



**EEN FATSOENLEK**

**DEUTEKEM**

De belangrijkste punten uit 't  
verkiezingsprogramma 2026-2030 van  
CDA Deutekem



**Doetinchem**

't CDA Deutekem steet veur politiek waarin fatsoen, verbondenheid en verantwoordelekheid centraal staot. Wi-j wilt geerne een samenlaeving waarin leu naor mekare umme kiekt, verantwoordelekheid nemt veur eure umgaeving en met mekare bouwt an sterke gemeenschappen. Fatsoen betekent veur 't CDA: respect, dudeleke normen en weerden en een aoverheid den betrouwbaor en dichte bi-j is.

Traditioneel bezene kump maatschappelijke kracht bi-j ons in de Achterhook neet vanuut de aoverheid, maor juist uut gezinnen, verenigingen, sportclubs, karken en plaatselijke initiatieven zelf. De gemeente mot disse kracht ondersteunen en veural neet aovernemmen. 't CDA wil een politiek van samenwerking, met korte lienen tussen lokaal, regionaal en landelek bestuur.

### **Veilegheid: een ferme en fatsoenleke anpak**

't CDA zuut veilegheid as 'n basisveurwaarde veur een sterke gemeenschap. Wi-j wilt een zichtbaore aoverheid, een strenge anpak van criminaliteit en meer preventie.

#### **Concrete maotregelen:**

- Aoverlast anpakken
- Meer boa's en wiekagenten, zichtbaor anwezeg in wiken en darpen.
- Een gemeentelek interventieteam tegen ondermiening, met boa's, toezichtholders en sociale recherche.
- Lichaamscamera'sveur boa's.
- Permanent cameratoozicht in 't centrum; dit uutbreiden op plaatsen met structurele aoverlast.
- Strengere handhaving op mensenhandel, uutbuting van en aoverlast deur arbeidsmigranten.

- Maximaal twee coffeeshops, neet in woonwijken of bi-j scholen.
- Anpak van jeugdcriminaliteit via preventie, jongerenwark en samenwerking tussen scholen, zorg en politie.
- Bescharming van oldern tegen digitale oplichting en fraude.
- Ondersteuning van buurtpreventieteams en sociale veilegheid deur inwoners zelf.

Veilegheid zee'w neet alleneg as handhaving, maor ok as fatsoenlek samenlaeven: respectvol gedrag, minder verruwing en meer umzien naor mekaar

## Bouwen an een fijne laefumgeving



Wi-j zeet de druk op de huzemarkt en wi-j wilt dat in Deutekem, Gaandern en Wehl ebouwd bliev wodden veur alle doelgroepen; starters, gezinnen, oldern en mensen met 'n zorgvraoge.

### Belangrieke uitgangspunten:

- Anjagen van woningbouw, met oge veur kwaliteit en laefbaorheid.
- Betaalbaore huze veur jongern, starters en oldern, zodat zee in de eigen gemeente könt blieven wonen.
- Wonen en zorg combineern, bi-jveurbeeld deur laevensloopbestendege huze en woonvormen waor oldern langer zelfstandeg könt blieven.
- Darpen en wieken verstarcken, met ontmoetingsplekken zoas buurtkamers, sportkantines of karken dee as centrale plek könt denen.
- Schaarse ruimte zorgvuldeg gebruiken, met balans tussen wonen, natuur, landbouw en bedrievigheid.
- Veilege waege, voot- en fietspaden. De onveilege rotondes anpakken en Laag-Keppel allene dichte in tied dat d'r een ni-je brugge an-eleg wodt.

't CDA zuut bouwen neet allene as stene stapeln, maor as investeern in gemeenschapszin. In ni-je wieken mot ruimte waezen veur ontmoeting, gruu en veurzieningen.



## Fatsoen en gemeenschapszin



Fatsoen is een rooie draad in ons programma. Wi-j kiest veur 'n samenlaeving waarin mensen verantwoordelekheid nemt veur mekare, waarin tradities wodt ekoesterd en waarin iederene met kan doon.

### Belangrieke accenten:

- Vri-jwilligers bunt gold weerd: minder regels, meer ondersteuning, simpele verantwoording veur kleine subsidies.
- Cultuur en tradities bescharmen, zoas lokale evenementen, de streektaal, 't verenigingslaeven, onze sterk verbonden gemeenschappen en monumenten.
- Fatsoenleke opvang van vluchtelingen, maor binnen de draegkracht van de samenlaeving.
- Integratie ericht op taal, computerhandegheid en metdoon.

- Gin aoverlastgevende huusvesting van arbeidsmigranten in gezinswieken.

Fatsoen betekent ok: een aoverheid den helder communiceert, begriepelijke taal gebruikt en inwoners serieus nömp.



## Onderwies, jeugd en kansen

Het CDA investeert in gelieke kansen veur kinder en jongern:

- Gratis veurschoolse educatie veur peuters dee dat neudeg hebt.
- Inclusief onderwies, zodat elk kind een passende plaatse krig.
- Renovatie en ni-jbouw van scholen, volgens 't Integraal Huusvestingsplan.
- Kindcentra waar opvang, onderwies en welzijn bi-j mekare komt.

- Grune pleinen en sportveurzieningen dee uutneudegt töt spöllen en ontmoeten.

Onderwies is veur 't CDA een bouwsteen veur een fatsoenleke en sterke samenlaeving.



## **Gemeentefinanciën en verantwoordelekheid**

Deur landeleke bezunegingen staot gemeenten onder druk. 't CDA wil:

- Veurzieningen zoas zwembaden en bibliotheken bescharmen.
- Lasten veur inwoners zo lege meugelek hollen.
- Eerst bezunegen binnen de gemeenteleke organisatie veurdat börgers wodt belast.
- Verantwoord financieel beleid, ericht op de lange termien.